

# ERIKQK-UDQÑQ EMI OTODE ODUDU ABASI KE IYIP USIO-ISOP

James 5:13-18; Psalm 34:19; Isaiah 53:5; Matthew 4:23, 24; Utom Mme Apostle 19:11, 12

QYQHQ UKPEP-ÑKPQ 450

Eke Mkparawa

**IKQ IBUOT:** “Enye onyuñ osio mmq qdqn ekekwoq Ubqn Abasi, enyuñ enam mbon udqn ekop nsqñidem” (Luke 9:2).

## Ke Eritqn

Abasi akada ntan isqn obot Adam ye Eve onyuñ esin mmq ke Iñwañ Eden. Akana nte mmq edi mme andikpeme ediye Iñwañ oro emi kpukpru ñkpq ekefonde ema. Ekenam Adam ye Eve ke mbiet Abasi, emi minaha ekut ukut me ekop ubiak ye udqn me mkpa adaña nte mmq ekekopde uyo Abasi. Abasi ama esisuhore edi ke mfut mbubreyo edisaña onyuñ eneme ye mmq. Nso utq idaresit ke mmq ekesikop!

Satan ama edi ndibiat itie emem emi okodude ke Eden. Enye ama ebe oduk ke idem urukikqt kpa akakan unam ñkari ke ini oro onyuñ odomo Eve. Eve ñko ama odomo Adam, ndien enye qduq oduk ke idomo oro. Idighe idomo edi idiok-ñkpq, edi ndiduq ke esit. Iduq Adam ye Eve emi ama ada enyene-ndik ukpuhore edi ke isqn ye mme andiduñ enye. Adam ye Eve ema eduq inem ebuana mmq ye Abasi, idiok-ñkpq onyuñ akabare edi ete-ufok mmq, ndien ema ebin mmq esio ke Iñwañ oro. Ñkukim ye mbara-ekpe ema ekori ye mbiet; ndien akana owo okop ubiak, udqn, ke ebede oro mkpa ikpohidem oto ke unana ñkop-uyo.

## Uduak Satan

Satan ama okut unen ke idiok uduak esie. Enye akada nsu ke akpa idomo oro, ñko ke ediwak ibat isua enye ada nsu nte kiet ke otu mme usuñ ndida mmum mmq emi enamde ñkpq enq Abasi. Edi nnyin imokom Abasi sia midighe kpukpru owo eduq oto ke nsu esie.

Job ekedi owo efen emi Satan okokoidekoi oyom ndinam enye qduq. Abasi qkqdqh ete ke Job edi owo eke qfonde ama qnyuñ enende. Satan ama qdqh Abasi ete ke Job akama onyuñ anam ñkpq onq Abasi oto ke mme inyene emi Abasi qkqnqde enye unen ndinyene. Nte akade iso Satan ama afiak osu nsu onyuñ qdqh ete ke Job akanam ñkpq onq Abasi sia enye ekenyenede nsqn-idem. Abasi ama qdiqnq esit Job, ndien ema ayak Satan abiat inyene ye nditq esie efep. Nte akade iso ema ayak Satan ada oyo qtq Job ke idem qtqnqde ke ibuat tutu osim ikpat ukot esie.

Job ñko ama enyene iwuk. Akana enye anam ñkpq onq Abasi ke ofuri esit esie sia enye akamade Enye. Enye ama qdqh ete: “Jehovah qkqnq, Jehovah onyuñ qbq; ekqm enyiñ Jehovah” (Job 1:21); ndien ñko, “mme enye eyewot mi: nnyeneke idorenyin” (Job 13:15).

Nte Job, mmq emi emade Abasi ekeme ndinam akpanikq “koro Enye emi odude mbufo ke idem okpon akan enye emi odude ke ererimbot” (1 John 4:4). Abasi ñko onq nnyin mme ikq ndqn-esit emi: “Idomo ikosimke mbufo ibqhke se inade owo ndibiom, edi Abasi edi akpanikq, idinyuñ iyakke edomo mbufo ebe se ukeme mbufo edide; edi Enye eyesiak usuñ ubqh onq mbufo ke ufqt idomo, man mbufo ekeme ndibiom enye” (1 Nwed Corinth 10:13).

## Ubiak Emi Satan Qnqde

Edi Satan akada idiok udqnq oyo oro qtq Job. Ikq Abasi etiñ onq nnyin ñko abaña ekpri eyen oro ekedade esqk mme mbet man enam udqnq okure. “Demon osio enye qduq ke isqn, onyuñ esiñere enye qkpqsqn.” Ke Jesus edide, ama asua onq edidehe spirit oro onyuñ anam eyen oro okop nsqñidem.

Jesus ama anam ñwan kiet okop nsqñidem, ete, “Ama edi ñwan emi, emi edide eyen Abraham, emi Satan qkqbopde enye ofuri isua efureta emi, ikpatatke enye uruk?” Satan ekeme ndituhore eti-eti edi Jesus ekeme ndibiat ofuri odudu esie. “Ema esio Eyen Abasi enim ke ntak emi, man enye akpabiat utom Satan” (1 John 3:8).

Mme ufok-ibok eyqh, ñko ediwak edqnq ena ke mme ufok mmq, kpukpru emi eto Satan ye mme utom mkpa esie. Edieke afo qdqñqde afo qmofiq enye emi anamde fi qdqñq. Beñe Jesus ete anam fi okop nsqñidem.

## Mkpa Ye Ikpe

Ke Iduo owo ama ekebe ke Iñwañ Eden, Abasi ama odoho añwa-añwa ete, “Enim eno owo ndikpa ini kiet, ndinyuñ nda ke itie-ikpe ke oro ebede” (Mme Hebrew 9:27). Owo iba kpot ekedu emi ekekade Heaven ke mmikpaha. Enoch akasaña ye Abasi “ndien iduhe” koro Abasi ekemen enye onyoni sia enye ekenemde Abasi esit. Ema emen Elijah ke ukpat-ñkpò edok eka ke Heaven, ndien nte Elisha osuk adade ese, obò ewura Elijah nte otode ke enyoni ediduò.

### **Erikòk Eke Abasi**

Abasi ke edinen ikpe Esie ama ono Adam ye Eve ufen ke ntak idiok-ñkpò mmò. Ubierikpe ye ufen esidoro kpukpru mme anam-idiok ke ibuot. Edi “Abasi akamama ererimbot ntem, tutu Enye osio ikpon-ikpon Eyen emi Enye obonde ono man owo ekededi eke obuotde idem ye Enye okutak, edi enyene nsinsi uwem” (John 3:16). Ke ini owo miboho erinyaña, enye oyom Iyip Jesus ndiyet mme idiok-ñkpò esie mfep, man enye akpakabare edi eyen Abasi. Kere baña nte Abasi amade uduot owo, ndien Enye asiak usuñ ono mmò ndifiak nduk ke eti ebuana ye Enye!

Nnyin ñko imokut ke Iko Abasi nte Enye onimde erikok ono ikpohidem nnyin. Jesus oyoyom ndidi Ete nnyin, Andifak nnyin, Akwa Andikok nnyin ye Ada-usuñ nnyin.

Abasi ama owot unam onyuni ada ikpa unam oro anam edisine-ñkpò ono Adam ye Eve. Oro ekedi akpa ini emi ekeduokde iyip ke abaña edisine-ñkpò emi ekeyomde ke ntak idiok-ñkpò. Emi akanyan ubok owut ini emi Jesus akanade okono ke kros onyuni oduok Iyip Esie ke ntak mme idiok-ñkpò ererimbot. Abasi ama odiono ete ke iduhe se owo akpanamde emi ekpekemede ndifiak nda enye nduk ke ima ye Andibot enye. Abasi ama ofiok ñko abaña ofuri udono ye ukut emi edisimde owo, ndien ke ima Esie, ama onyime ndino owo nsodidem ñko.

Isaiah, anditiñ-ntiñ nnim ikò ono nnyin ndusuk ñworo-nda ye mme ntiñ-nnim ikò emi etimde enam enwaña nnyin ke abaña Jesus. Ke Isaiah 53:5 nnyin imokot: “Edi enye akada unan abaña mme idiok ido nnyin, anuaha abaña mme ukwañ-ñkpò nnyin: ufen odoro enye ke idem man nnyin ikut emem, ndien inia esie okok nnyin.” Ndusuk owo emi mmimaha ndibuot idem ye Abasi ke abaña erikok-udono edomo nditiñ nte ke Isaiah eketiñ abaña erikok-udono eke spirit kpot, edi ke Matthew 8:16, 17 nnyin imokot: “Edi ke ini osimde mbubreyo, eda ediwak owo eke enyenede demon esok Enye: Enye onyuni ada ikò inua esie ebin mme demon oduok, onyuni anam kpukpru mbon udono ekop nsodi-idem: man osu nte prophet Isaiah okodohode, ete, Enye ke Idem Esie obò mmemidem nnyin ada, onyuni obiom mme udono nnyin.”

### **Mme Ukut Edinen Owo**

Ndusuk owo esima nditiñ ete ke mme anditiene-Christ ikpanaha edono udono. David ekedi ata owo ima Abasi, ndien enye ama okut ukut onyuni odoho ete: “Ediwak ukut osim eti owo; edi Jehovah osio enye ke mmò kpukpru” (Psalm 34:19). Ukem nte Job, David ekedi owo emi akamade ndibuot idem ye Abasi ke kpukpru ñkpò. Ñko Andiwet Psalm emi ama odoho ete: “Ofon ye ami koro ñkokutde ukut man ñkpep mbet fo” (Psalm 119:17).

Hezekiah owo Abasi efen, ama odono eti-eti ekpere ndikpa, edi oto ke mmoni-eyet ye akam esie, Abasi ama anam idem osodi enye onyuni adian isua uwem efut ono enye.

Afo emekeme ndidoho ete, “Nso edi ntak emi Abasi ayakde ndito Esie edono? Ke abaña Job, ekeyak edomo enye man eyarare akpaniko emi enye akanamde ono Abasi. Ndusuk ke ini ukut osimde fi, owo esiyik abaña akpaniko emi afo anamde ono Abasi, ndien Abasi ayayak eyarare ewut nte ke afo amama Enye onyuni ekeme ndibuot idem ye Enye ke ini ukut.

Ke otu uwak mmò emi ekokde oto ke Iyip Usio-isop, akparawa kiet ama odu emi akadade ata idiok unan ke itie-utom esie ke isua ifani emi ekebede. Ukot mbiba ema ebuño ndien mme unan esie ema ediok eti-eti tutu mme dokta edoho ete ke enye eyekpa. Akayak esisit ufiop emi okomumde enye ndifop enye ñwot, enye ikekekeme nditat inua. Okoneyo usen kiet nte enye akayakde idem esie ono Abasi onyuni etiñde mbuk Jesus, Abasi ama okok enye. Emi ekedi utibe-ñkpò, ndien mme dokta ye mme andikpeme mbon udono ema edu ke mkpa-idem. Enye ama odu uwem ediwak isua onyuni ada ukot esie asaña mfon-mfon.

Ete akparawa emi ekedi dokta ufok-ibok, owo emi mminimke ete ke Abasi odu. Enye ikenimke ke akpaniko ite ke Abasi akanam utò utibe-ñkpò oro ono eyen esie ibohoke ke enye ama okokot se ekewetde ebaña ñkpò-ntibe emi ke ufok-ibok. Enye ama akabare edi andinim ke akpaniko ndien ke oro ebede enye ama obò erinyaña, koro edi Abasi okonyime ono unomo akparawa oro onyuni anam utò akwa erikok oro. Nte

ikpedighe se idotde nnyin ndikut ukut ndien ke inamde akpanikọ inọ Abasi, ekọk nnyin, ndien oto ke oro owo ọbọ erinyaña?

Paul ama ọdọhọ ete ke edi Abasi esin imọ nkukim ke obukidem “mbak ndiseri-iseri nkaha.” Abasi isinamke ndudue. Enye ọdidiọ se ifonde ikan ọnọ nnyin kiet-kiet ye nte Enye ekemedede ndida nditọ Abasi kiet-kiet nnam nkpo ke abaña ubọn Esiemọ.

### **Mme Erinam Abasi Ye Idiok Owo**

Idiok-nkpọ, udọnọ ye ukut etọt eti-eti ke ediwak ibat isua. Abasi ama oduri mme owo utọn ke ediwak idaha ete ke Imọ iyedọn mme udọnọ edi nte ubierikpe ke ntak idiok-ido mmọ. Ediwak owo ke ebọbọ ufen mfin ke ntak uwem idiok-nkpọ. Ediwak mme udọnọ edi se owo mmikemeke ndikok, Abasi edi nkukure idorenyin.

Usen kiet mkparawa iren iba ekewat enañ-ukwak, ndien ubom-isọn ama ọtọ owo mmọ kiet. Nte kiet eken ọkọtọnọde edọn ke nkañ esie enye ama akaña uwem esie ọnọ Abasi edieke Abasi edinwamde eyeneka esie emi ọkọduode ke unomọ odu uwem. Nditọ iba emi ekemana ke ufok emi efiokde Abasi edi mmọ ikọdọnke enyin ndiyom Abasi. Abasi ke mbom Esie okonyime unomọ oro ada itie. Akparawa emi akadade unan ama okop nsọnidem. Nditọ iren iba emi ema eyak uwem mmọ enọ Abasi, mmọ mbiba edi mme ọkworo-ikọ, mmọ nko ke ekom Abasi ke mbom Esie. Unomọ emi okotibe ndinam mmọ efiok se owo ndika ke nsinsi ini ye unana erinyaña ọworo.

### **Ndibuot Idem Ye Abasi Ke Ini Udọnọ**

Edieke afo ọbode erinyaña ndien ke ọdọnọde, Abasi oyom fi ọbuot idem ye Enye man afo okop nsọnidem. Enye ọdọhọ ete, “Osuk ọdidiok ọnọ owo eke edibuotde idem ye owo, onyũn onimde obukidem ke ubok esie, esit esie onyũn ọworoede ọkpọn Jehovah” (Jeremiah 17:5). Nte esit nnyin idianakere ikpọn Abasi edieke nnyin iworoede ikpọn erikok-udọnọ emi Abasi onimde ọnọ nnyin? Odu mme ini emi Abasi okutde ete odot ndida eyen Abasi nnyon akan ndinam idem esie oson. Nte emi idighe edidiọn ndikpọn ererimbot emi ye ọyọhọ mbuotidem ke Abasi, man iduk ke idara Ọbọn? Ke akpanikọ ifonke nnyin ndidorede mbuotidem nnyin ke Abasi nkodori ke owo ndien ibe iduk ke nsinsi ini ye unana ima Abasi ke uwem nnyin.

James eketiñ abaña mmọ emi ebode erinyaña ye mmọ emi mmibohọ ukem-ukem ke ini enye ewetde ete: “Nte owo okut ukut ke otu mbufo? Yak enye ọbọn akam. Nte owo odu ke inemesit? Yak enye ọkwọ ikwọ itoro. Nte owo ọdọnọ ke otu mbufo? Yak enye okot mbiowo Ufok Abasi, mmọ enyũn enuhọ efuk enye ebọn akam, eda aran eyet enye ke enyiñ Ọbọn: ndien akam mbuotidem eyenyaña enye emi ọdọnọde, Ọbọn eyenyũn anam enye adaha ada; ndien edieke enye akanamde idiok-nkpọ eyefen enye” (James 5:13-15).

### **MME MBUME**

- 1 Ke mmọn ke ekenam akpa idiok-nkpọ, nko anie ekedi andidomo?
- 2 Siak ufen ita emi ekenode Adam ye Eve ke ntak idiok-nkpọ mmọ.
- 3 Didie ke Abasi akanam edisine-nkpọ ọnọ mmọ ke Inwañ?
- 4 Didie ke akpa edisine-nkpọ oro ekedi mbiet Jesus?
- 5 Didie ke Abasi okonim erikok-udọnọ ebe ke mkpa Jesus?
- 6 Nso edi ntak emi Abasi onyimedede ete anditiene-Christ ọdọnọ udọnọ?
- 7 Didie ke udọnọ mme unomọ ekeme ndikabare ndi edidiọn nnọ idiok owo?
- 8 Nso ke Abasi akayarade owut ke ndinyime Job okut ọkpọsọn ukut?
- 9 Nso ke Abasi etiñ abaña mmọ emi etrede ndibuot idem ke Enye ke ini ukut?